

/վարչական տույժ նշանակելու մասին/

ք. Վանաձոր

«30» մարտ 2023թ.

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Հայկ Միրզոյանս, քննելով Հայկ Վոլոդյայի Առաքելյանի /անձն. AV0238382, տրված՝ 31.05.2022թ. 018-ի կողմից, Լոռու մարզ, ք. Վանաձոր, Տավրոսի փ., 1 նրբ., 1/ նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Հայկ Առաքելյանի անվամբ 04.10.2022 թվականի թիվ 05100033/041022/0051124 տարանցման հայտարարագրով Արևելյան մաքսատուն-վարչության Բագրատաշենի մաքսային կետ-բաժնով ՀՀ տարածք է ներմուծվել 100 կգ ընդհանուր քաշով ապրանքներ՝ օգտագործված հագուստ 35 կգ, օգտագործված տնային իրեր՝ 35 կգ, օգտագործված պահեստամասեր՝ 30 կգ:

Նշված ապրանքը հասցվել է ՀՀ ՊԵԿ Արևելյան մաքսատուն-վարչություն և 08.10.2022 թվականին հանձնվել է մաքսային մարմինների պատասխանատու պահպանությանը: Ժամանակավոր պահպանման ժամկետը ավարտվել է 09.02.2023 թվականին, որից հետո 08.02.2023 թվականին կազմվել է ապրանքների և դրանց վերաբերյալ փաստաթղթերի արգելապահման արձանագրություն:

Փաստի առթիվ ՀՀ ՊԵԿ Արևելյան մաքսատուն վարչության ՄԳ բաժնի ավագ մաքսային տեսուչի կողմից 10.02.2023 թվականին Հայկ Առաքելյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 304-րդ հոդվածի հատկանիշներով:

Նշանակվել է լուծման 24.03.2023 թվականին ժամը 11:10-ին, իսկ գործի քննություն՝ 29.03.2023 թվականին ժամը 11:15-ին: Վերջինս ծանուցվել է:

Համաձայն ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող

օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը՝ առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով:

Այսպիսով, վարույթի նյութերով հիմնավորվում է, որ 08.10.2022 թվականին ժամանակավոր պահպանման հանձնված ապրանքի վերաբերյալ սահմանված ժամկետում չի ներկայացվել հայտարարագիր, ինչով պայմանավորված վերջինս թույլ է տվել «Մաքսային կարգավորման մասին» ՀՀ օրենքի 304-րդ հոդվածի խախտում:

Ելնելով վերոգրյալ հանգամանքների ուսումնասիրությունից, ղեկավարվելով ՀՀ մաքսային կարգավորման մասին օրենքի 304-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար Հայկ Վոլոդյայի Առաքելյանին ենթարկել վարչական պատասխանատվության՝ տուգանելով **30,000 ՀՀ դրամի** չափով:
2. Որոշման մասին հայտնել Հայկ Վոլոդյայի Առաքելյանին:
3. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և օրենքի 4-րդ մասի

համաձայն որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

Սույն որոշմամբ նշանակված փուլանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսավորւն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝

ՀԱՅԿ ՄԻՐԶՈՅԱՆ